

清·方略館 編

清代 方略 全書

北京圖書館出版社



清代方略全書

一六八

清·方略館編

北京圖書館出版社

清·奕訢等撰

欽定剿平捻匪方略

卷二八七——二九八

清同治十一年（一八七二）鉛印本

欽定剿平捻匪方略卷二百八十七

丁卯年



十月十九日

戊戌

左宗棠庫克吉泰喬松年劉典

奏言自八月二十六日後捻逆由三原富平竄

擾高陵臨潼渭南各屬村堡兼窺河岸九月十

一日臣左宗棠親赴涇西與臣劉典等商議方

略以提督蕭德經等營與黃鼎一軍分扼涇河

西岸又飭提督劉效忠一軍扼耀州山口臣劉

典及劉松山等軍渡涇進剿臣左宗棠於十五

日回臨潼臣劉典與高連陞兩軍十六日齊抵

高陵劉松山等亦至三原賊見西路官軍進逼

大股潛移臨潼渭南富平蒲城交界之鹵鹽灘

游騎自臨潼北岸至華州北岸折向西竄劉松

山李祥和郭寶昌各軍進駐富平二十一日至

二十六日臣劉典率軍冒雨修浚康橋一帶牆

卷三十一

濠於富臨屬境設第二重關鎖賊見兩路官軍
日偪二十七日遂由蒲城東南一帶北趨白水
竄入北山臣劉典與高連陞率所部趨耀州前
隊甫抵同官賊騎已薄中部矣先是臣左宗棠
以北山荒瘠殊甚非賊所注意特慮被勦窮竄
檄提督劉厚基卹防各軍南下截之頃據稟報
十月初三四等日中部洛川擊賊皆獲勝仗賊

蹤現自洛川延至鄜州城西之張村占地約近
百里劉厚基於鄜州甘泉扼其北竄延綏之路
高連陞師抵耀州與總兵劉端冕率輕騎追之
查擒逆竄入北山該處地瘠糧乏追軍必先於
山外採儲以供攜取現飭廣爲購運俾利遄行
如賊西竄必於三水邠涇一帶折而南奔其患
在蜀在鄂臣劉典及高連陞黃鼎等軍截之如

賊北竄必由鄜延綏榆一帶折而東趨其患在
晉提督劉厚基截之劉松山及總兵李祥和郭
寶昌追之如賊窺撲黃河劉松山郭寶昌卽渡
河入晉助勦劉厚基仍留河西以固秦疆臣等
惟有殫誠盡力斷不敢稍涉迂迴致誤大局奏

上命軍機大臣傳諭左宗棠駱秉章庫克吉泰李瀚

章喬松年趙長齡劉典何璟曰捻逆經官軍大舉
進徧遁入北山勢必由鄜洛上竄延綏該處荒瘠
殊甚非賊所注意恐藉此東趨晉省西路沿河一
帶與陝毗連防務喫緊轉瞬河流冰凍尤爲可慮
著趙長齡督飭在防將士扼要嚴守並著飭陳湜
相機兼顧沿河船隻悉行提歸東岸毋稍疏忽賊
騎儻渡河而東則蔓延縱橫勢將靡所底止豈劉

松山郭寶昌兩軍所能殄盡晉省爲畿輔屏翰左
宗棠當如何力籌兼顧陝省兵力不爲不厚總當
就地殲除不可以驅賊出境卽爲了事儻任賊東
渡闌入晉疆惟左宗棠是問劉厚基一軍兵力尙
單左宗棠庫克吉泰喬松年劉典當熟商機宜妥
籌調度潼商一帶亦宜嚴密布置以防捻逆回撲
由此出關邠涇一路並著分撥得力將士加意嚴

防毋任賊由西南竄出繞逸川鄂蜀省北路及楚
北襄鄖一帶著駱秉章李瀚章等各添兵勇分路
扼守以固邊境

同日劉長佑奏言捻逆自膠萊河逸出後盤旋
淮沂境上圖撲運河現聞運西防軍極密該捻
撲運不利難保不伺閒撲黃自張秋壽張濮范
開長下及東河河道紛歧冬令冰凍深虞竄突

武定各境防不勝防自利津海口以迄蘭通不下千餘里近因梟匪內訌原派防河總兵陳濟清所部兵勇均已陸續調回在防東軍不滿二千直軍水陸不滿八千實形單弱查濮范以下地面原有東軍防守夏閒蹙賊海隅始調直軍出境替防騰出東軍進剿今賊已自膠河逸出情形與前稍異現經咨會丁寶楨酌分地段自

張秋以上至蘭通口歸直軍駐守張秋以下至
鐵門關歸東軍駐守俟東軍到防後卽飭唐訓
方所部及水師各隊移紮張秋上游以期周密
相應請

旨飭下山東撫臣丁寶楨迅撥兵勇防守張秋下游

直省量力認守上游各專責成亦互相援應庶

免疏虞奏入

上命軍機大臣傳諭李鴻章劉長佑丁寶楨崇厚曰
前因丁寶楨奏捻匪竄擾齊東一帶撲犯河隄諭
李鴻章統籌全局妥議辦法並令劉長佑丁寶楨
崇厚等實力嚴守現在節交冬令堅冰凝合亟須
嚴爲之備河面綿長固非直軍所能專任張秋以
下至鐵門關東軍原不能辭責但東省兵力本屬
單薄刻與捻匪角逐尙覺不敷分布下游河面更

狹賊匪窺伺尤爲可虞若僅令東軍分段認守設
因兵單誤事雖悔何及著劉長佑速將梟匪殄盡
專力防河以臻周密丁寶楨職任東撫責無旁貸
仍著厚集兵團將山東河面加意嚴守儻防範稍
疏致令賊匪偷渡必惟該撫是問武定一帶河面
距津較近著崇厚添調津郡兵勇馳往協同防守
不可稍分畛域致誤事機李鴻章當遵奉前諭將

黃運河防通盤籌畫以佐直東之不逮

二十日己亥戶部左侍郎毛永熙奏言東境官軍

失利擒匪全股北趨逼近山東省城距黃河不
滿百里直隸梟匪現竄大名一帶與東擒相去
非遙設援引擒匪渡河北路大局何堪設想查
東南剿擒之兵已逾十萬止須抽調數軍足敷
北路之用臣聞淮軍以劉銘傳爲最豫軍以宋

慶爲最晚軍以程文炳爲最調此三軍剋日北
向繞出賊前迎頭截剿必能所向有功賊情剽
悍制勝尤在馬隊聞山東指調之吉林等處餘
丁數千不日到京或卽先留北路助剿再抽東
南各軍屢經戰陣之馬隊爲之表率更當得力
若慮三軍抽調之後運防不敷派撥宜增調江
淮水師補之分布黃運兩防與陸路互相援應